



**Memoria económica e de transparencia da Addenda o Convenio para concesión dunha subvención directa entre a Axencia Galega de Desenvolvemento Rural e o Concello de Cerdedo-Cotobade para a concesión dunha subvención directa ao proxecto senlleiro de restauración do tajamar sureste na ponte de Pedre, dentro da categoría de "promoción e posta en valor do patrimonio histórico da comarca".**

**Expediente:** CNV25-04

## **PRIMEIRO.- Antecedentes e obxectivos**

**1.-** O 12.03.2025 as partes asinaron o Convenio entre a Axencia Galega de Desenvolvemento Rural e o Concello de Cerdedo-Cotobade para a concesión dunha subvención directa o proxecto senlleiro de restauración do tajamar sureste na ponte de Pedre, dentro da categoría de "promoción e posta en valor do patrimonio histórico da comarca".

**2.-** O 18 de xullo de 2025 o Concello de Cerdedo-Cotobade presenta unha solicitude de ampliación do prazo de xustificación dos gastos que fundamenta a necesidade de subscribir a presente addenda en: " (...) ante as dificultades que se atopou esta administración para a obtención da autorización previa da Xefatura Territorial de Patrimonio de Pontevedra, que fixo que se producirán variacións nalgunhas partidas do proxecto inicial, aínda que non se modificou o orzamento final, o que causa un importante retraso na tramitación do correspondente expediente de licitación das obras, e polo que

*SOLICITA*

*Unha ADDENDA do "CONVENIO ENTRE A AXENCIA GALEGA DE DESENVOLVEMENTO RURAL E O CONCELLO DE CERDEDO-COTOBADÉ PARA CONCESIÓN DUNHA SUBVENCIÓN DIRECTA AO PROXECTO SENLLEIRO DE RESTAURACIÓN DO TAJAMAR SURESTE NA PONTE DE PEDRE, DENTRO DA CATEGORÍA DE "PROMOCIÓN E POSTA EN VALOR DO PATRIMONIO HISTÓRICO DA COMARCA", consistente na ampliación do prazo de xustificación das obras o máis alonxado no tempo posible."*

**3.-** Para garantir a adecuación técnica, coherencia e execución do proxecto senlleiro no seu conxunto é preciso ampliar o prazo de xustificación e vixencia do convenio ata o 30 de novembro de 2025 así como a distribución dos importes entres as partidas do Anexo I, o que aconsella a subscripción dunha addenda sen mudar o obxecto do mesmo nin ningún dos seus elementos esenciais.





A achega da Axencia Galega de Desenvolvemento Rural realizarase con cargo á aplicación orzamentaria 14.A1.712A.760.0 dos orzamentos xerais da Comunidade Autónoma de Galicia 2025, código de proxecto 2017-00003.-"Actuacións senlleiras de mellora do patrimonio rural" e non suporá incremento do gasto.

Pola súa parte, o 23.07.2025 o concello declara que a aportación municipal do 20% por importe de 17.278,80 € establecida na cláusula cuarta do convenio, será financiada na súa totalidade por medio dunha subvención concedida pola Deputación Provincial de Pontevedra a través do programa Plan+Provincia 2025. Liña 1 investimentos.

## **SEGUNDO.- Fundamentos legais e técnicos**

- Convenio entre a Axencia Galega de Desenvolvemento Rural e o Concello de Cerdedo-Cotobade para a concesión dunha subvención directa o proxecto senlleiro de restauración do tajamar sureste na ponte de Pedre, dentro da categoría de "promoción e posta en valor do patrimonio histórico da comarca".

- Lei 40/2015, do 1 de outubro, de Réxime Xurídico do Sector Público.

- Artigo 45 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

-Acordo do Consello de Dirección de Agader do 11.07.2013 que se publicou mediante a Resolución do 24.07.2013 (DOG núm. 148, do 05.08.2013), sobre delegación de competencias.

Non se introducen modificacións substantivas que alteren o contido do convenio, relativas ao obxecto da subvención, o beneficiario da mesma, o réxime xurídico aplicable, compromisos asumidos polas partes, o prazo de vixencia do convenio, que se atopa dentro dos límites legais aplicables, e as obrigas da protección de datos de carácter persoal, e demais extremos esixidos pola lexislación vixente.

Tampouco se superan os límites previstos no artigo 58.3 do Decreto Lexislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia.

Atendendo ás razóns expostas, coa finalidade de poder cumprir cos obxectivos que determinaron a subscripción do referido convenio, e tendo en conta a normativa exposta, cómpre tramitar unha addenda ao convenio, co fin estender o prazo de xustificación e vixencia do convenio ata 30.11.2025.





Os puntos descritos do convenio quedan redactados como segue a continuación:

- A cláusula **CUARTA** "Financiamento" queda redactada como segue:

O gasto total das actuacións do proxecto "Restauración do tajamar sureste na ponte de Pedre" a desenvolver polo beneficiario no marco do presente convenio, de acordo co orzamento previsto no Anexo I deste convenio, ascende a oitenta e seis mil trescentos noventa e catro euros (86.394,00 €) que serán asumidos polas partes na porcentaxe e importe que se indica a continuación:

– Axencia Galega de Desenvolvemento Rural	80%	69.115,20 €
– Deputación Provincial de Pontevedra	20%	17.278,80 €
<b>TOTAL</b>	<b>100%</b>	<b>86.394,00 €</b>

- A cláusula **QUINTA** "Xustificación dos gastos" queda redactada como segue:

De conformidade co previsto na Lei 9/2007, de subvencións de Galicia o prazo de execución e xustificación rematará o 30.11.2025 sen prexuízo de que as actividades subvencionadas sexan as executadas a partires do 01 de xaneiro de 2025.

- A cláusula **DÉCIMA** "Vixencia" queda redactada como segue:

O período de vixencia deste convenio será dende a súa sinatura e ata o 30 de novembro de 2025, sen prexuízo de que as actividades subvencionadas sexan as executadas a partires do 1 de xaneiro de 2025.

- **ANEXO I**

#### Orzamento

Capítulo	Resumen	Porcentaxe	Importe
1	Actuacións previas	22,51	13.505,57 €
2	Implantación de obra	21,92	13.150,68 €
3	Actuacións en muros	51,20	30.718,13 €
4	Seguridade e saúde	3,11	1.864,63 €
5	Xestión de residuos	0,91	544,56 €
6	Control de calidade	0,36	216,43 €
Orzamento de execución material			60.000,00 €
13,00% Gastos xerais			7.800,00 €
6,00 % Beneficio industrial			3.600,00 €
Base Imponíble			71.400,00 €
21 % IVE			14.994,00 €





<b>Orzamento total</b>	<b>86.394,00 €</b>
------------------------	--------------------

### TERCEIRO.- Financiamento

A presente addenda non supón unha modificación no importe financiado nin das anualidades.

- ORZAMENTO: Oitenta e seis mil trescentos noventa e catro euros (86.394,00 €) que serán asumidos polas partes na porcentaxe e importe que se indica a continuación:

➤ Axencia Galega de Desenvolvemento Rural	80%	69.115,20 €
➤ Deputación Provincial de Pontevedra	20%	17.278,80 €
<b>TOTAL</b>	<b>100%</b>	<b>86.394,00 €</b>

- Aplicación orzamentaria 14.A1.712A.760.0 -Código proxecto 2017 00003 dos orzamentos da Axencia para o ano 2025 "Actuacións senlleiras de mellora do patrimonio rural".

Integración no Plan Estratéxico de Galicia 2022-2030		
Proxecto 2017 00003		
Eixo	E3	Competitividade e crecemento
Prioridade de actuación	PA05	Aproveitar as potencialidades de Galicia cara un sector primario moderno e competitivo.
Obxectivo estratéxico:	E06	Contribuír o desenvolvemento económico e social en zonas rurais e costeiras. Mellorar as condicións de vida no territorio rural galego, especialmente a través dunha mellora das infraestruturas, mellora no acceso aos servizos básicos e creación de emprego.
Obxectivo operativo	OI01	Actuacións de soporte e apoio (gasto de funcionamento)

Nos termos previstos no artigo 26 da Lei 9/2007, do 13 de xuño, de subvencións de Galicia, as subvencións previstas canalizaranse a través de convenios subscritos con concellos, en canto entidades beneficiarias das axudas previstas.

Na tramitación administrativa deste expediente incorporaranse os seguintes informes:  
-Informe da Asesoría Xurídica da Consellería do Medio Rural.





Por todo o exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Para a tramitación deste convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

O órgano competente para o acordo de convenios, por importe inferior a 900.000 euros que deba concertar a Agader para o axeitado exercicio das súas funcións, é o Consello de Dirección da Agader, que ten delegada a dita competencia na persoa titular da Dirección Xeral da Agader en virtude do apartado Primeiro, II, 7 do acordo do Consello de Dirección da Agader do 11 de xullo de 2013, publicado mediante a Resolución do 24 de xullo de 2013 (DOG nº 148, do 5.8.2013).

Santiago de Compostela, na data da sinatura electrónica.

O Consello de Dirección  
P.D. (Acordo do 11.07.2013)  
A directora xeral  
M<sup>a</sup> Paz Rodríguez Rivera

